

Repertorio oficial pa Rey Willem-Alexander y Reina Máxima na Bushiribana

ORANJESTAD -- Detayenan di e programa pa e concierto na Bushiribana, cu ta tuma lugá dia 20 di november 2013, a wordo anuncia awe. E evento lo ilustra un seleccion varia di musico for di diferente parti di Reino Hulandes y ta inclui bailarin y humoristanan. E repertorio a wordo anuncia dor di e Director Artistico Jonathan Vieira hunto cu miembro di e comision Roel Samson.

E concepto di e concierto aki ta pa mostra mundo eyfo e habilidad y diversidad di e talento local na Aruba. Aruba ta un di e poco luganan na mundo caminda musica di rond mundo ta wordo interpreta dor di musiconan local riba un base diario pa entretere e mas di 1 miyon bishitante pa aña. Arubianonan ta conoci pa ta hopi musical pa naturalesa y esey ta keda expresa pa medio di e hopi celebracionnan cu tin den aña. Publico por spera hopi generacion musical durante e anochi aki. Musica folklorico, Latino, popular, Carnavalesco y electronico, tur ta bay haya nan lugá riba e escenario di 12 pa 12 meter cu ta wordo construi specialmente pa e evento unico aki.

DETAYE PROGRAMA

Un trio di humorista ta bay dirigi e anochi. Vale Croes, Jorgen Raymann, y e talento nobo Osvaldo Correa ta encarga di anima e publico prome cu e show ta cuminsa pa 8:00 PM en punto.

ARTISTANAN

Osvaldo Correa (Pais: Aruba/ Papel: Co-Presentado), Vale Croes (Pais: Aruba/ Papel: Co-Presentado), Jorgen Raymann: (Pais: Hulanda/ Papel: Co-Presentado), Nutzbeatz (Pais: Aruba/ Profesion: Dj), Chuckie (Pais: Hulanda/ Profesion: Dj), Alydia Wever (Pais: Aruba/ Profesion: Dansa), Rachel Brahten (Pais: Suecia/ Profesion: Yoga), Shannon Bueno: (Pais: Aruba/ Profesion: Canto), Zahira Falconi: (Pais: Aruba/ Profesion: Canto), Frangina Kelly: (Pais: Aruba/ Profesion: Canto), Maxime Kaan: (Pais: Hulanda/ Profesion: Canto), Hilyann Croes: (Pais: Aruba/ Profesion: Canto), Mandy Villasmil: (Pais: Aruba/ Profesion: Canto), Luigi Cor-



tes: (Pais: Aruba/ Profesion: Canto), Angelo Koolman: (Pais: Aruba/ Profesion: Canto), Jersey Sophia: (Pais: Aruba/ Profesion: Canto), Osvali van Romondt-Lopez: (Pais: Aruba/ Profesion: Canto), Alain Clark: (Pais: Hulanda/ Profesion: Canto), Dane Clark: (Pais: Aruba/ Profesion: Canto), Pete Philly: (Pais: Hulanda/ Profesion: Canto), Robert Jendor: (Pais: Aruba/ Profesion: Canto), Teddy Philips: (Pais: Aruba/ Profesion: Canto), Michael Lampe: (Pais: Aruba/ Profesion: Canto/Dj)

Pa detayenan completo di e repertorio oficial, por fabor bishita www.bishitareal2013.aw

Coreografia ta bou direccion di Alydia Wever y lo inclui presentacion di Pierangely Wever, Dyantha Maduro, Gladys M. Duarte Fragoso, Samantha Westera Juppa, y Elisa Colon. Carlos Bislip a keda nombra como Director Musical y Franklin Granadillo, Aruba su areglista prominente a percura pa mayoria di e adaptacionnan. E artistanan anuncia awe lo ta compaña pa un banda local all star forma pa Lidrick Solognier (Bateria), Roy Croes (Baho), Chucho Hoek (Guitar), Rodney van der Biezen (Piano), Mandy Villasmil (Keyboard), Eduardo Maya (Trompet), Robert Drumfries (Trombon), Franklin Granadillo (Trompet), Roberto Varona (Saxo Alto), Chris Rodulfo (Percusion), Gina Werleman (Coro). Sosten adicional tambe a keda aporta dor di Maybeline

Arends-Croes, especialmente pa e vocalistanan hoben formando parti di un evento asina grandi pa prome biaha.

SHOW DI VIDEO MAPPING, LASER & VUURWERK

Un secuencia di 'video mapping' ta planea pa e anochi aki y lo ta proyecta riba e ruinan di Bushiribana. E contenido di e video ta bay ilustra e puntonan cu mas ta resalta di e historia di Aruba su ultimo 200 aña. E lo fungi manera un recapitulacion visual di con Aruba a bira e Aruba cu nos conoce awe. E evento lo clausura cu un final grandioso pa medio di un show di vuurwerk y laser durante e fase final di e show cu tin un duracion di 75 minuut.

CUMINDA & BEBIDA

Cuminda y bebida ta introduci di un manera hopi creativo e biaha aki. Organizacionan a acerca varios di e trucknan popular di cuminda pa para e anochi aki na e lugá di e evento y ofrece nan platonan mas popular. E compania Wine & Dine ta esun encarga cu maneho y benta di bebidanan alcoholico y no alcoholico.

PARKEERPLAATS

Pa acomoda tur esnan bayendo pa e evento di Bushiribana, a prepara luganan di parkeer riba e caminda pa Natural Bridge. Fuera di e punto aki, ta bay facilita varios otro parkeerplaats na clubnan deportivo den e area. Lo por staciona auto na e veld di bala di Caiquetio na Paradeira, na e tereno limpi banda di Cas di Partido di Otmar

Oduber, na e tereno di futbol y baseball di Britania, na Centro di Bario Ayo su veld di baseball y na veld di bala di Sporboys banda di caminda pa Angochi.

Tur parkeerplaats lo conta cu siguridad di un compania profesional y bo ta wordo guia na bo lugá di parkeer dor di ayudantenan pa tur hende staciona na un manera ordena.

Bo ta wordo transporta for di e puntonan aki pa Bushiribana cu bus, y despues di e show, e busnan aki ta hiba bo bek na bo lugá di parkeer. Parkeerplaatsnan ta habri for di 5 PM y ta cera rond di mey anochi. Si cualkier parkeerplaats ta yen, esey ta wordo notifica na radio y ta publico pa otro parkeerplaats habri.

PRENSA INTERNACIONAL

Expectativa pa cu presencia di prensa internacional ta grandi. Medionan manera Algemeen Dagblad, Telegraaf, Vorsten Royal, Blauw Bloed, NOS Nieuws, NOS Evenementen, RTL Nieuws, Omroep West, SBS

Hart van Nederland, Media RTV 7, Royal Portraits Europe, Revista CARAS ta djis algun di e esnan ya a confirma pa cubri e evento aki den su totalidad.

Ta di spera cu nan ta bay haci hopi entrevista cu nos talento local e internacional cu presenta riba escenario. E show tambe ta bay wordo transmiti na television na Europa y Latino America, dor di e origen Argentino di Su Mahestad Reina Máxima, pa casi 1 miyon di televidente. Obviamente esaki ta un oportunidad maravioso caminda Aruba ta bay haya atencion y luz internacional pa un ocasion asina bunita.

BALCON DI HONOR

Ta bay construi un area special pa Su Mahestad Rey Willem-Alexander y Reina Máxima disfruta di e show. Esaki no ta interveni cu e bista di ningun persona y ta duna e Pareha Real un sinti di comodidad y siguridad pa biba e concierto di e mesun manera cu e 5.000 persona cu ta calcula lo atende e anochi.

Continuacion pagina A8